



## Oregon State Police Emergency Declaration Enforcement FAQ

**Date 03/24/2020**

**Non ach achochongeni ach sipwe ponuwani ekkewe kapas eis faniten pwichipwichin me pochokunen noun Kepina we Executive Order 20-12 “*Omw Nomwenong Neimw Mei Anisi Manawomw Me Meinisin,*” ach ewe Oregon State Police mei awora an aninis won.**

**Eew martial law ika enuk an ei mwu?**

Apw, ese karap ngeni. Ese wor curfew me an emon me emon mwokut fetan ese enukutiw ika keuk me faan ei Kepina ei Executive Order. Ika mwo iei mei katou eureur faniten ach sipwe awora ren an epwe wor towaw fesenin nefinen aramas, kesipen ekkoch sopai me ekkewe ochuchufengen faniten kukunou ika mwicheich fengen- an aramasen Oregon mwokutukut ese koukutiw ika enukuno senir.

**Mei auchea ai upwe awora nei taropwe meren aiwe nenien angang an epwe afata pwe ngang mei namwot?**

Apw. Noun Kepina ei Executive Order echok esipano mwo ekkoch sopai, mei afatetiw non section (2). Faniten angangen non ei sopai e aworato an aramas repwe kanefengen resapw tongeni ar repwe towaw fesen ika mwo pwe ir mei mochen atowawareno. Nouch kewe officers resapw kapas eis ika tichik won noumw sokkun taropwe meren omw nenien angang.

**Ngang mei pwan need epwe wor esisinen won wai taraku, nupwen upwe sasan angang?**

Apw. Ese wor sokkun taropwe ika esisin mei kawor faniten an mwumwuta an aramas repwe noo angang ika fori met repwe fori.

### **Upwe pullover faniten ai saa won highway?**

Esapw faniten noun Kepina we Executive Order, pwe mei afatatiw me eureura kich pwe sisapw noo ngeni ian mei chomong aramas ir mei kii fengen ia- esapw faniten sipwe enukatiw esapw wor mwokutun chon non Oregon. Ika, pwe, ke atai onukun unteng ika saa won taraku iwe ena epwe wor angangen etipisi esin chok me akomwan, nge esapw faan nurun ei eureur.

### **A kesip ach kewe state line me a wor roadblock?**

Apw, mei suk me mwumwuta mwokut fetan won anach non Oregon me ekkewe ekkoch neni ika state unukuch. Ese wor roadblock ika ukutiwen an esapw wor mwokutun wach kei taraku. Me non Washington State nour ewe kepina mei pwan wau an eureur ika tungor ngeni aramasen non mei arapakan ngeni met ei kich mei fori, ami chon non Oregon mei eoch oupwe pwan sinei me weweiti eureurer memwen oupwe tonong non ena state.

### **Ika pwe aiwe sopai a kesip, ngang mei tongeni chok ai upwe noo angang ika pwe neiwe meinap e era upwe angang? Usapw arrest?**

Ei tungor ika eureur e katou faniten chok an esapw wor kii fengen ika achoochoo fengen ren ewe nenien sopaii, nge mei chok wor angang mei fis non meren noumw meinap. Ika pwe ekkewe chon angang rese ataii met ekewe mei enukutiw mei afatatiw faan ewe Executive Order, iwe mei tufich me mwumwuta omw kopwe noo non nenien omw angang. Ese wor “passes” ika taropwe epwe kawor.

### **Ekkewe nenien asoso mei suk?**

Ewer, napengeni. Ekkoch ekkewe nenien asoso mei pachengeni ekkewe parks, mei mwo kesipeno faniten an epwe fiti enukun ei Executive Order.

### **Mei wor an police angangen arrest ika awora noun aramas ticket faniten ar atai metewe mei katou non nouch ewe Kepina ewe Executive Order?**

Ion aramas e atai met mei enukutiw seni an Kepina ewe Order faniten Emergency Declaration mei tongeni an epwe arresst ika paking, a wewengeni pwe a eew C Misdemeanor- ewe saingon kinikinin criminal conduct designation. Meininis ekkewe chon angangen opochokuna ennuke ir mei angang fengen non ar ekiiki me tipeew pwe an police repwe fori ar angangen arrest esapw pwan ina eew met re efich epwe fis ina pwopwun kich mei aucheani sipwe osukuna aramas non Oregon

faniten popwun an ese wor chuunap ika chufengen mei atai enuk mei tou meren nouch Kepina me non ewe Order. Sipwapw chok osenimwu nee paking ika arrest ika pwe a wor an emon me emon nukumach ar repwe fiti met onuk mei katou nge nouch kewe police ra wisen fori angangan.

**Nge ika pwe nei kewe ra fiti eew achoochoo fengen nge non ai use mwutata me sinei, aweve ren non ekkewe skate park?**

Nouch police ir mei sinei pwe napengeni semirit rese eusening eureurer ika enukur meren inenap me semenap. Esin chok ika ra kuna an ekkoch watte repwe ochuchu fengen, officers repwe akomw noo ngeni ekkewe semirit me sarafo iwe awewengenir met a enukutiw me fan ewe order. Ren ar repwe arrest ika paking, iwe epwe weires an epwe fis me nukun chok ika pwe e wateno osukosuk.

**Ngang mei tongeni ai upwe noo hiking me ataw?**

Ewer. Chon Oregon ir mei tongeni chok tou nukun, fori met ar angang ika kukunou nge esapw wor ar repwe kinefengen ika kanengeni ekkoch me repwe fori ewe angangen towaw fesen- ewe mei afat pwe epwe 6 feet ika napeseni ren nefiner me ekkoch. Chochon non Oregon ika ion e eto kukunou non ach ei state repwe sinei me weweiti pwe napengeni meinisin nenien camp me ekkewe nenien satiw sataan mwota mei kesip, mei eoch kopwe akomw nenengeni masowen omw okoht memwen omw kopwe fori.

**Upwe kokori 911 ika pwe ua kuna chon emwicheich fengen?**

Apw. Esapw faniten a wor chon atai ei enuk iwe sia otutur ren police, fire ika medical emergencies won 911. Aramas ir mei tongeni ar repwe pusin pwan aninis nee osukuna chochon non Oregon ika fen pwan ngeni ion ir mei soun awora chuunap, ir mei tongeni pwan kokori ekkewe nenien police ren non ewe kinikinin esapw eew weiweitan osukosuk.